

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA PILI

20 APRILI, 2016



ORODHA YA SHUGHULI ZA LEO

MKUTANO WA TATU

KIKAO CHA PILI – TAREHE 20 APRILI, 2016

I. HATI ZA KUWASILISHA MEZANI:

WAZIRI WA FEDHA NA MIPANGO:

Mpango wa Pili wa Maendeleo wa Taifa kwa kipindi cha Miaka Mitano kuanzia mwaka 2016/2017 – 2020/2021 (*The 2nd National Five Year Development Plan, 2016/2017 – 2020/2021*).

MWENYEKITI WA KAMATI YA BAJETI:

Taarifa ya Mwenyekiti wa Kamati ya Bajeti juu ya Mpango wa Pili wa Maendeleo wa Taifa kwa kipindi cha Miaka Mitano kuanzia mwaka 2016/2017 - 2020/2021.

MSEMAJI MKUU WA KAMBI YA UPINZANI WA WIZARA YA FEDHA NA MIPANGO:

Taarifa ya Msemaji Mkuu wa Kambi ya Upinzani juu ya Mpango wa Pili wa Maendeleo wa Taifa kwa kipindi cha Miaka Mitano kuanzia mwaka 2016/2017 – 2020/2021.

II. MASWALI:

OFISI YA RAIS (TAMISEMI):

11. MHESHIMIWA MENDRAD LUTENGANO KIGOLA (MUFINDI KUSINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali iliahidi kupeleka gari la wagonjwa katika kituo cha Afya Mgololo lakini hadi sasa gari hilo halijapelekwa:-

Je, ni lini gari hilo litapelekwa ili liweze kusaidia vijiji vya Idete, Itika, Holo, Isaula, Rugema, Makungu, Rugolofu na Kitasengwa.

12. MHESHIMIWA DKT. PUDENCIANA WILFRED KIKWEMBE (KAVUU):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Kata ya Mamba, Majimoto, Chamalema na Mwamapuli zitapatiwa maji safi na salama.

13. MHESHIMIWA ALBERT NTABALIBA OBAMA (BUHIGWE):

Atamuuliza Mheshimiwa Waziri wa Nchi Ofisi ya Rais (TAMISEMI):- Mwaka 2011/2012 tuliweka Mkataba kati ya Halmashauri ya Buhigwe na Hospitali ya Heri Mission, Biharu Hospital na

Mulera Dispensary juu ya kutoa huduma ya matibabu kwa Wazee, Watoto na akina mama bure na Serikali imetoa fedha hizo na wananchi wamenufaika na huduma hizo lakini tangu Disemba, 2015 hadi sasa fedha hazitolewi tena:-

- (a) Je, ni kwa nini Serikali imeacha kutoa fedha ilizokuwa ikitoa;
- (b) Je, ni lini sasa fedha hizo zitaanza tena kutolewa ili huduma hizo ziendelee.

WIZARA YA ELIMU, SAYANSI, TEKNOLOJIA NA UFUNDI:

14. MHESHIMIWA HALIMA JAMES MDEE (KAWE):

Atamuuliza Mheshimiwa Waziri wa Elimu, Sayansi, Teknolojia na Ufundi:- Serikali ilitoa kauli kuwa itapanga gharama za Karo Elekezi kwa Shule zote za Binafsi hapa Nchini.

- (a) Je, Serikali imegundua kiwango cha gharama kwa kila Mwanafunzi (Unit Cost) wa shule za Bweni na za kutwa ni kiasi gani;
- (b) Je, kiwango hiki hakitasababisha kuporomoka kwa ubora wa Elimu ambayo ilikuwa ikitolewa hapo awali na shule binafsi.

**15. MHESHIMIWA JASSON SAMSON RWEIKIZA
(BUKOKA VIJINI):**

Atamuuliza Mheshimiwa Waziri wa Elimu, Sayansi, Teknolojia na Ufundi:- Mkoa wa Kagera hauna Chuo cha VETA chenye hadhi ya Chuo cha Mkoa na kwa sababu hiyo Wananchi wa Mkoa huo hawapati Elimu inayostahili; hivyo, Serikali iliamua kujenga chuo cha aina hiyo Bukoba kwenye Kata ya Nyakato ambako kiwanja kilipatikana na mipango yote ilifanywa na Naibu Waziri wa Elimu na Mafunzo ya Ufundi kutembelea mara kwa mara eneo hilo lakini ni muda mrefu sasa umepita hakuna chochote kinachoendelea:-

● Je, ni lini ujenzi huo utanza na kukamilika.

WIZARA YA KILIMO, MIFUGO NA UVUVI:

**16. MHESHIMIWA HAMADI SALIM MAALIM
(KOJANI):**

Atamuuliza Mheshimiwa Waziri wa Kilimo, Mifugo na Uvuvi:- Uvuvi ni moja ya Vipaumbele vinavyosaidia kusukuma Maendeleo ya Wananchi wengi wa Tanzania; na Taifa letu ni miongoni mwa Mataifa Maskini Duniani:-

Je, Serikali ya Awamu ya Tano imejipanga kwa kiasi gani ili kuwasaidia wavuvi wadogo wadogo wa Tanzania ili kusaidia Maendeleo ya Taifa na pia kujikwamua na umaskini uliokithiri.

**17. MHESHIMIWA GIBSON OLE - MAISEYEKI
(ARUMERU MAGHARIBI):**

Atamuuliza Mheshimiwa Waziri wa Kilimo,
Mifugo na Uvuvi:-

Kwa nini Serikali isifanye jitihada za makusudi za kuwatafutia wafugaji mbegu bora za mifugo aina mbalimbali na kuwasambazia wafugaji kwa bei nafuu ili kuondokana na aina za mifugo ambayo haina tija kwa wafugaji.

WIZARA YA MAMBO YA NDANI YA NCHI:

**18. MHESHIMIWA TAUHIDA CASSIAN GALLOSS
(VITI MAALUM):**

Atamuuliza Mheshimiwa Waziri wa Mambo ya
Ndani ya Nchi:-

Je, Serikali ina mkakati gani wa kunusuru mauaji
ya vikongwe nchini.

WIZARA YA VIWANDA, BIASHARA NA UWEKEZAJI:

19. MHESHIMIWA HAMIDA MOHAMED ABDALLAH (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- Vijana wengi wa Mkoa wa Lindi karibu 40% hawana ajira kutokana na ukosefu wa viwanda mkoani humo; na kwa kutambua kuwa sehemu kubwa ya uchumi wetu unategemea kilimo na Serikali ilitunga sera ya maendeleo endelevu ya viwanda ya mwaka 1996 – 2020 itakayosimamia maendeleo ya viwanda vya kusindika mazao ya kilimo ili kuongeza thamani ya mazao:-

Je, sera hiyo imesimamiwa vipi katika kuvifanya viwanda vilivyopo vya usindikaji wa mazao viendelezwe ili kuongeza thamani ya mazao yetu na kukuza uchumi na hatimae vijana kupata ajira katika Mkoa wa Lindi.

WIZARA YA MAJI NA UMWAGILIAJI:

20. MHESHIMIWA RASHID MOHAMED CHUACHUA (MASASI):

Atamuuliza Mheshimiwa Waziri wa Maji na Umwagiliaji:-

Je, ni lini Serikali itatenga fedha za kutosha kwa ajili ya upanuzi wa mradi wa maji wa Mbwinji ili usambaze maji katika vijiji vyote vya jimbo la Masasi.

III. HOJA ZA SERIKALI:

WAZIRI WA FEDHA NA MIPANGO:

Kwamba, Bunge sasa lijadili na kuidhinisha Mpango wa Pili wa Maendeleo ya Taifa kwa kipindi cha Miaka Mitano kuanzia mwaka 2016/2017 – 2020/2021.



**DODOMA
20 APRILI, 2016**

**DKT. T. D. KASHILILAH
KATIBU WA BUNGE**